

## Su baballoti traitori

(arrepentina de spera, a sa dereta)

Ti cantu un'arrepentina e dda fatzu a sa dereta,  
custu po scoviai sa treta, ma a dda cantai seu pruntu,  
de su càncuru su contu ti 'ollu nai cun cuncu versu,  
po chi me in s'Universu acabit su pistighìngiu.  
Mannu est su murighìngiu, si scoberis su mali:  
che a is atrus est aguali e si podit(i) domai,  
mai a prangi, arguai!, ca t'agiudat(a) sa scièntzia,  
e no tengas suferèntzia, mancai pàrgiat infadosu,  
no ti pighit su nervosu: bessit a traitoria!  
In is logus cosa mia, sena de fai burdellu,  
a sa cua, abellu abellu, fut(i) giai spraxendi-si(a);  
nci bolit sabidoria contras de su mali frassu,  
depis essi tui capassu e finsas(a) ingeniosu,  
tzertu no est chistioni 'e gosu, ca ti tocat a gherrai,  
parit simpri a ddu nai, ma crei-mì ddoi seu passau,  
u'incueddu mi nd'ant segau, ca ddoi fut su baballoti,  
ddu timia che marragoti, comentì faint is pipius,  
no creia a is ogus mius, candu mi dd'ant amostau:  
cunnu chi ndi-dd'at fuliau! M'at pigau a su stintirigu.  
Incumentzat dònna amigu a mi nai ca seu corriatzu  
e sena de fai stragatzu su coru in manus pigu,  
castiendi-mì in su sprigu, m'apu nau a mei etotu:  
*"No ti pighit s'avolotu, ca no podit binci issu!"*  
E mandau dd'apu unu missu, po ddi nai ca gei ddu gherru:  
su coràgiu deu m'aferru, curru a su spidali, a innia,  
cun sa radiuterapia ndi-ddi giaint una passada,  
ma sa carda est cunfirmada cun sa chemiuterapia,  
apustis sa chirurgia una trampa gei dd'at tèssiu,  
e su càncuru sparèssiu est de sa personi mia,  
o forsi' est ancora innia, ma gei timit a bessiri,  
ca si mi ddu fait a sciri, ddoi torraus a fai is contus,  
a gherrai torra seus prontos, po dda sperdi custa arratza,  
ddi paraus fronti cun atza e sigheus in su caminu,  
su càncuru a casinu, scutu a fusti, nci at a andai!

*Tiria - Prammis, su 24 de làmpadas de su 2022*

**Antoni Nàtziu Garau**

Antoni Nàtziu Garau, nàsciu in Biddobrana (Aristanis) su 21/10/1968

Residèntzia: bia de Gabrieli Pili n° 3, 09090 TIRIA - PRAMMAS (Aristanis)

Telèfunu: 349/6025986 - Indiritzu de posta eletrònica: [antonio.ignazio.garau@gmail.com](mailto:antonio.ignazio.garau@gmail.com)

PEC: [antonio.ignazio.garau@pec.it](mailto:antonio.ignazio.garau@pec.it)

## **L'insetto traditore**

*(arrepentina di speranza, a sa dereta)*

Ti canto un'arrepentina e la costruisco a "sa dereta",  
ciò per svelare il brutto scherzo, ma a cantarla son pronto,  
sul cancro la (mia) storia vorrei dirti in pochi versi,  
affinché nell'Universo finisca la preoccupazione.  
Grande è il trambusto, se scopri il male,  
non è diverso dagli altri e si può tenere a bada,  
mai piangere, guai!, perché ti aiuta la scienza,  
e non soffrire, anche se è fastidioso,  
non innervosirti: compare improvvisamente!  
Nel mio corpo, silenziosamente,  
subdolamente, pian piano, si stava diffondendo;  
ci vuole saggezza per avvicinarsi al male traditore,  
devi essere capace e persino ingegnoso,  
certo, non puoi essere felice, perché devi lottare,  
sembra facile a dirsi, ma - credimi - l'ho vissuto,  
hanno asportato un pezzo di me, perché vi albergava l'insetto (= il cancro),  
lo temevo come lo spauracchio di cui hanno paura i bambini,  
non credevo ai miei occhi, quando me lo hanno mostrato:  
che sia maledetto (lett. "la vagina che lo ha espulso")! Mi si è sviluppato nell'intestino.  
Gli amici iniziano a dirmi che son coriaceo  
e senza gran clamore, con il cuore fra le mani,  
guardandomi allo specchio, mi son detto:  
*"Non farti prendere dal panico, non vincerà lui!"*  
E gli ho inviato un messo, per dirgli che di certo lo affronterò:  
prendo in mano il coraggio, corro all'ospedale e lì,  
con la radioterapia lo menano per bene,  
le botte son confermate con la chemioterapia,  
dopo la chirurgia gli ha teso un agguato,  
e il cancro è sparito dalla mia persona,  
o forse c'è ancora, ma ha paura di mostrarsi,  
perché, se colgo qualche indizio della sua presenza, ci faremo nuovamente i conti,  
siam di nuovo pronti a lottare, per estinguere questa specie,  
la fronteggeremo con grinta e proseguiremo il cammino,  
il cancro al diavolo (lett. "a casino"), bastonato, se ne andrà!

*Tiria - Palmas Arborea, 24 giugno 2022*

**Antonio Ignazio Garau**

Antonio Ignazio Garau, nato a Villaurbana (OR) il 21/10/1968

Residenza: via Gabriele Pili n. 3, 09090 TIRIA - PALMAS ARBOREA (OR)

Telefono: 349/6025986 - Indirizzo di posta elettronica: [antonio.ignazio.garau@gmail.com](mailto:antonio.ignazio.garau@gmail.com)

PEC: [antonio.ignazio.garau@pec.it](mailto:antonio.ignazio.garau@pec.it)